

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Secvnda Pars Mirabilis Vitæ Venerabilis Virginis Marinæ De Escobar

Puente, Luis de la

Pragæ, 1688

Reverendissimo & Celsissimo Domino Domino Carolo Dei Gratia Episcopo
Olomucensi, Duci, S. R. I. Principi, ...

urn:nbn:de:hbz:466:1-38666



REVERENDISSIMO

&

CELSISSIMO

DOMINO DOMINO

CAROLO

DEI GRATIA

EPISCOPO
OLOMUCENSI,


DUCI,

S. R. I. PRINCIPI,

REGIÆQVE CAPELLÆ
BOHEMIÆ,

DE LICHTENSTEIN
COMITI,

DOMINO DOMINO
CLEMENTISSIMO.



REVERENDISSIME
& CELSISSIME
PRINCEPS,
DOMINE DOMINE
CLEMENTISSIME.

Maria de Escobar iterum com-
paret, lucem publicam à lu-
ce REVERENDISSIMÆ
VESTRÆ CELSITUDINIS
mutuata, quam dum in a-
pricum produco, *Arbores DEI canam:*
hoc enim significat anagrammate justo
transposita *Marina de Escobar.* quæ cùm à
Patre luminum irradiata *scientiam salutis*
(Lucæ I.) animo concepit, est Arbor scien-
tiæ; cùm autem vitam DEO dignam ex-
emplo docuit, Arbor vitae dici meretur.
Nōsse videlicet ac posse divini spiritūs ad-
jumenta sunt; si velle nostrum accedat;
vitæ vivimus per gratiam illius, qui opera-
tur in nobis velle & perficere pro bona voluntate.
(ad Philip. 2.)

):(3

Pars

Pars Vitæ prior Hispanæ hujus Heroi-
næ, antehac per me ex idiomate hispani-
co translatæ, continebat Ejusdem scien-
tiam ac vitam propemodum illam tan-
tum, quam admirari licuit, non imitari:
nam revelationes cœlestes, raptus, arcani
cum DEO congressus, ac horum similia
sunt gratiæ gratis datæ, muneraq; divini
Spiritûs, *qui ubi vult, spirat* (Joan. 3.) *di-*
dens singulis prout vult. (1. Cor. 12.) Hæc verò
altera Pars Arborem quidem etiam refert
scientiæ, sed, quemadmodum in scholis
loquimur, magis practicæ, & non solum
speculativæ; refert Arborem vitæ, quam
non admirari duntaxat, verùm imitari
quoq; concessum. Exemplis nempe po-
tentius ad virtutem trahimur, quām præ-
ceptis, & consecutionis indubitatæ est
præjudicium, à validioribus ea fieri posse,
quæ per sexum inferiorem jam facta vi-
demus.

His Arboribus scientiæ ac vitæ, velut
stirpibus, alij fuerunt inserti diversarum
virtutum surculi, & inde progerminave-
runt novæ aliæ Arbores, regni quondam
arbo-

arborei candidatæ (Judic. 9.) in quibus nec
ficūs dulcedinem, nec oleæ pingvedinem,
nec vitis fructum, qui DEUM hominēsq;
lætificat, desideraremus, si liberet, aut per
studium brevitatis liceret, has arborum
naturas ad proprietates virtutum, quibus
Venerabilis Marina pollebat, per traduces
quasi propagines derivare. Sed enim
cùm *Arbores DEI canam*, dum eloquio &
elogio brevi canitur *Marina de Escobar*,
malui totum simul viridarium, & horti
totius conditiones, quām singulas seorsim
plantas, aut varios carptim fructus REVE-
RENDISSIMÆ CELSITUDINI VESTRÆ dedi-
care. Nimirùm sicut ædificium in fundo,
germen in agro, arbor in horto illi fructi-
ficat, cuius est fundus, ager, & hortus, ità
quæ servorum sunt, meritò in jura trans-
eunt Dominorum.

Ego, qui pluribus jam lustris in REVERENDISSIMÆ VESTRÆ CELSITUDINIS obsequijs atque servitijs indignus versor, aspirantibus favoris clementissimi favonijs, irrigantibus tot gratiarum pluvijs, irradientibus tam serenæ lucis fulgoribus, quod

L.
V.

M. rī
'e
Ecc. b.
R.
18

potui fructus interpretationis meæ opel-
lā germinare , totum Eidem debere me
profiteor , præsertim cùm & IPSA REVE-
RENDISSIMA CELSITUDO VESTRA tota sitil-
lius , cuius esse debemus ex toto omnes :
neq; enim qui plantat est aliquid , neq; qui rigat ,
sed qui incrementum dat DEUS. (1. Cor. 3.) Ad
hunc refertur omnis fructus Arboris illius
pulcherrimæ (Levit. 23.) quæ in eam surrexit
celitudinem , quantam humillimè admir-
ror in PRINCIPE meo CLEMENTIS-
SIMO. Huic REVERENDISSIMA CELSITU-
DO VESTRA dedicat *salutis fructum* (Eccli. 1.)
in tot millibus animarum , suis curis & im-
pensis per Missionarios Societatis Jesu ad
salutem reductis , jam inde ab Episcopa-
tūs Sui primordio , per annos viginti qua-
tuor , & quod excurrit , productum . *Fru-
ctum* præterea *frumenti , vini , & olei* (Pf. 4.)
quem Turzani multiplicavit , cultus Ma-
rianos promovendo , templum cum thau-
matura Divæ Virginis statua eidem So-
cietati donando , atque ex hac ibidem Sa-
cerdotes dotando , qui *frumentum elec-
torum , & vinum germinans Virgines* (Zach. 9.)
quoti-

quotidianis Sacrificijs DEO litarent, quos etiam frumento & vino, idoneâ fundatione, stabilivit. (Genes. 27.) Fructum quoq; dedicat honoris (Eccli. 24.) Aviam CHRISTI, Deiparæ Matrem, S. Annam, illustri basilicâ in Altwasser, ad Libaviam, honorando; fructum ligni scientiæ (Gen. 2.) quod plantavit, fundans Cremsirij Collegium Scholarum Piarum, & per has sapientiam præstans parvulis. (Psal. 18.)

Hos aliósque fructus pulcherrimos REVERENDISSIMÆ VESTRÆ CELSITUDINIS, dum reverentissimè suspicio, devotissimè veneror, audeo de fructu unâ manuum (Proverb. 31.) mearum pauxillum adjicere, demississimè supplicans, ut REVERENDISSIMA CELSITUDO VESTRA clementissimè dignetur cā serenitate veterem servum prosequi, quā pridem dignata fuit imeritum prævenire, laborémq; hunc meum, quem vix conceptum sui juris effecit, eundem jam partum, ac in lucem editum, in suæ lucis communionem, suásque possessiones recipere, munus non magno Domino dignum, sed minimo servo conveniens,

niens, qui non quantum vult aut debet,
sed quantum potest, præsentat.

Et quoniam sub Maij primitias arbores
præ foribus Magnatum collocantur,
ego PRINCIPI meo ac DOMINO
CLEMENTISSIMO totam Arborum
Escobarianarum seriem ad fores Celsissi-
mas, in monumentum qualequale grati-
tudinis, erigo, DEUM, qui in paradyso
voluptatis plantavit omne lignum pul-
chrum visu, & aspectu delectabile, votis
affiduis precaturus, ut ijs lignum vitæ lon-
gævæ superaddat, conservans REVEREN-
DISSIMAM CELSITUDINEM VESTRAM diu
in columem, postq; annos Ven: Virginis
Marinæ ætati suppare, Eandem à vita,
gratijs, gaudijs, ac meritis cumulata, Beati-
tudinis remuneretur æternitate. Cremirij
Calendis Maij An. 1688.

REVERENDISSIMÆ CELSITUDINIS VESTRÆ

Submississimus ac devinettissimus
Capellanus & servus

Melchior Hanel S. L.

PROLO.

